

Claodin Dö Giabbe – Pasqua dö Segnô

L'è Pasqua Santa do Redentò
O l'è risorto nostro Segnô
Sente e campann-e comme dindann-an
Lasciû tra i bricchi, lazû in ta ciann-a.
I rondinetti son sotto-a gronda,
mille angioeti ghe fan a rionda.

Festa de paxe, festa d'amò
L'è Pasqua Santa do Redentò

L'è primmaveia, mille viovette,
in to çe gh'è solo poche nûvoette
Basta co-e ragge, basta co-i mori
Con e vendette, con i rancöri
Se semmo brùtti, oppûre belli
Se gianchi o neigri, semmo fraielli.

Festa de paxe, festa d'amò
L'è Pasqua Santa do Redentò

Demmose a man, comme i figgiêu
Demmo a letizia ai nostri chêu
Arvimmo e porte a l'aia a-o sô
A chi l'è allegro, a chi l'ha ûn dô
A chi o l'è ricco, a chi nò l'è
Cö mouto e o san, seggimo frae.

Festa de paxe, festa d'amò
L'è Pasqua Santa do Redentò